

Ko te whiu mo te kore e rehita e £2 mo te haranga tuatahi, e £5 mo nga haranga i muri atu.

He Kai-rehita Kawanatanga nga Kai-whakaako o nga kura Maori.

Ahako kaore ano tatou kia akina nuitia e te ture rehita, tena pea tona wa kei te haere mai e whainatia ai tatou. Noreira he tikanga tenei e tika ana kia whakamaharatia ki a tatou katoa, kei rokohanga mai tatou e te hoa-riri e moe tonu ana.

13. Nga kaute o nga Pariha mo te Hinota.

I whakamaharatia nga mema o nga Pariha, kia whakakiia nga "returns" mo te wa o te Hinota. Hei te Paraire te 30 o nga ra o Hepetema ka tu te Hinota ki Nepia.

14. Nga pukapuka kaute mo te Hinota.

I whakaatu a Peneti kaore i te tino hangai nga pukapuka kaute mo nga Pariha Maori. Kei te wehe tonu nga kainga tae noa ki nga hapu o te Pariha kotahi. Me nga moni o ia kainga, me nga kai-tiaki kei te wehe. Pahitia ana te motini: Kia whakaritea he komiti mo tenei take. Ko nga mema mo taua komiti ko te Tiamana me Mr. Pilson ko Rev. Hakiwai me Peneti, ko Tiopira me Tomoana, a me whai mana tenei komiti ki te whakahaere i tenei take a te wa e whakaarotoa ai e ratou.

15. Te Rehita Tianara.

I whakaatu a Peneti kua tae mai te reta a te Rehita-tianara o Poneke, he whakamahara mai ki nga Minita Maori kia tukuna atu nga kape o ia marena o ia marena ki tona tari i Poneke. He taumaha te whiu mo te takahi a te Minita i tenei ture o te Koroni katoa. Ko te kape me tuku tonu atu i muri tonu iho o te marena.

1.6 Te Hui a muri nei.

I whakamarama te Tiamana ko te hui a muri nei, he hui topu mo nga Komiti Tumuaaki katoa o te Pihopatanga. Ka tu taua hui ki Nepia a te wa o te Hinota, i te Turai te 1 o nga ra o Oketopa.

17. Rehita i nga mema o te Hahi.

I motiniria e P. H. Tomoana na Tiopira i tautoko: Kia rehitatia nga tangata e kiia ana no te Hahi o Ingarangi, i ia Pariha kia mohiotia ai te tokomaha kei tena wahi, kei tena wahi. Pahitia ana.

I whakamaramatia ma tenei tikanga ka maha ai te tukutuku haere i nga wharepukapuka mo nga kohi, me te kaute o nga tangata o ia Pariha hei whakarite i nga raruraru, ara expenses.

1.8 Mihana.

I whakaatu a Peneti, kei roto te Hahi Maori i te mura o te ahi i tenei wa, i te nui o nga tangata i pakaru nei ki waho, me te tokaiti o nga moreha i mahue hei hautu i nga tikanga mumui o te Hahi. Kei nga wa maha o te tangata, kamui tana biahia ki re whakarongo korero mo nga huarahi o te ora mona. Pera ano te taha whaiua. He wa pai tenei hei huihuinga mo tatou mo nga Minita ka torotoro haere ai i o tatou Pariha, ki te whakahaere Mihana awhina, whakaako. Kia toru nei nga ra kia wha ranei, ki tena Pariha, ki tena Pariha.

Ka pa te mate ki te tamariki whanga'a ki te **Wood's Great Peppermint Cure.**